

Aningaasaqarnermut Ataatsimiititaliap suliaq nr. 01.31.06/08-00389 pillugu arfininngornermi ulloq 13. december 2008-mi aalajangiinera pillugu Naalakkersuisunut ilisimatitsineq

(Naalakkersuisut siulittaasuata ulloq 11. november 2008-mi aalajangigaa nr. 359)

Kalaallit Nunaanni Neriuffiit Kattuffiata nuna tamakkerlugu katersiniarneranut tapiissuteqarnissamik aalajangiiffigisassatut saqqummiineq

Naalakkersuisut **inassutigaa**,

kontomi pingaarnermi 10.06.19 ħimi, Kalaallit Nunaanni Neriuffiit Kattuffiannut tapiissutitut tunngasumut 300.000 kruuninik aningaasaliissuteqartoqassasoq (Tapiissutitut aningaasaliissutit).

kontomi pingaarnermi 20.11.50-imi, Ingerlatsinermit sillimmatitut tunngasumi aningaasaliissutit 300.000 kruunit ikileriaataallutik ilanngaassutigineqassasut.

Aningaasaqarnermut Ataatsimiititaliap oqaaseqaatai

Kalaallit Nunaanni Neriuffiit Kattuffiannut immikkut ittumik tapiissutitut 300.000 kr.-it atorineqarnissaat Naalakkersuisut qinnutigaa.

Taamaattorli Aningaasaqarnermut Ataatsimiititaliaq isumaqarpoq nutaanik aningaasaliissutissanik qinnuteqaatit *pingaaruteqartuunissaannik aamma siumut naatsorsoruminaatsuunissaannik* kiisalu tulliani aningaasanut inatsisip akuerineqarnissaanut utaqqissunneqarsinnaaanginn issaannik Missingersuusiornermi inatsisimmi piunasaqaataasut aningaasaliinissamut qinnuteqaat naapertuutinngilluinnartoq.

Aammattaaq siunertap siuarsarneqarnissaa Naalakkersuisunit kissaatigineqarsimappat siunertaq 2009-mi aningaasanut inatsimmut ilanngunneqarsimassagaluartoq Aningaasaqarnermut Ataatsimiititaliaq isumaqarpoq. Taamaalilluni aningaasanut inatsisip akuersissutigineqannginnerani aningaasaliissuteqarnissamik qinnuteqaat Naalakkersuisunit akuersissutigineqarpoq.

Kiisalu Kalaallit Nunaanni Neriuffiit Kattuffiannut 2008-mi 150.000 kr.-inik tunniussisoqareersimasoq ataatsimiititaliamit maluginiarneqarpoq. Taamaalilluni aamma ukioq manna aningaasanik tapiissuteqarnissamut tunngavissaqanngilaq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarsinnaangillat**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua